

گلیز زیقینا زیقینا

گۆردوم سحر غصه بَہ یی گلیز زیقینا زیقینا
الینده وار غم توتہ یی چالیر زیقینا زیقینا
گیریب آغیر یوک آلتیندا، آغیر یوکون تک آلتینا
وورون اونون جک آلتینا، چکیر زیقینا زیقینا
قاتیب، قاریشدیریب سوزو قولاق آغیر، گۆرمور گوزو
توکوب الکده اوسه بیر الیر زیقینا زیقینا
آرالغین یالان سوزو، یالان، مالان، پالان سوزو
ماققاب اولوبدو بئینمی، ده لیر زیقینا زیقینا
باشین سلیبیدی یئمله بیر، بیر دره ده قویون کیمی
هر هورنه، هوروت باخیر، مه لیر زیقینا زیقینا
ایسته بیر بۇروشدورا، هر گلنه سۇخوشدرا
توکدوبو او حیاترین، سلیز زیقینا زیقینا
دوغور نه شیقدا شعرینی، ناز ایله باخ امیشدیریز
هئی تۇتورو گوی اسگیه، به لیر زیقینا زیقینا
گولوم، دارتینا دارتینا، انشین قارینا قارینا
«یالقیز» نیقینا نیقینا گلیز زیقینا زیقینا

ظالم پۇللو

بىلمىرەم يارب نەدن اوز وئردى دۇنيا پۇللويا
پۇللو اىستىير پۇلسوزو دايم اولاغ تىك چوللويا
ياغ گئدىر ياغ اوستونه، يارما ياوان قاينير ولي
دوردو دىنلردە داياغ، هر دورە آنجاق پۇللويا
سندە قىسدىن وئرمەلى يئرلردە يۇخسولدان اوزون
ائىلەدىن بىر بۇللو بخشش، دوزوسو چوخ بۇللويا
پۇللولار سالىدى سنى بىر الريله، چنگينه
اۆلدو عامىل شارلاتان مظلۇما، ظالم زوللويا
واردى بىر داش آغرىسى يارب دئىرلر سندەدە
نازىن دۇنبوللسوزون وئردىن چكە دۇنبوللويا
كعبەسىنىن معشۇقون هر گون طواف اتمك اىچون

ايت كيمي عاشيق گرك طوافوندا قۇيروق بوللويما
بىر تازا تدبىر قىل آي كۆهنه آلاھ، طرح تۆك
بىر نفر سن يۇللا گلسىن، قۇيما شىيطان يۇللويا
يالقىزىن شعرىن روانلىر، آنلىانلار چوڭ نماز
گونده بئش يۇل ائىلهسىن لعنت بۇ ظاليم يۇللويا

نە دئىم ئىله دي؟!

من كى گنتمه يردىم غم سوراغىنا

اۇ گلىب تىپلدى تئز اۇتاغىما

يالوارىب، دۆشندى ال - آياغىما

اۇ قدر آزىلدى ايسته دي اوزون

اوزونه يئر ائدىب، يئرئىدى سوزون

نە قۇيدو دانيشام، نە قۇيدو گولم
نە او قۇيدو گندم، نە قۇيدو گلم
قۇزادي قۇيروغون او ائتدي علم

چئويريب چيخارتدي او بير اوزون
اغزيني آچاركن، او يۇمدي گوزون

گنچدي گاه ساغيما، سولوما گنچدي
الدي قاباغيما، يولوما گنچدي
دولاشدي قيچيما، قولوما گنچدي

ميندي آشيردي، او بيخدي اوزون
مني زورا سالدي، او سيخدي اوزون

اغزيمين داديني، زهر ائيلهدي
او بير ياريمدان بتر ائيلهدي
نە دئيم نئلهدي، نەلر ائيلهدي

منى تاهدان سالىب بزه دى اوزون
ايسته ديم ديلله نم، بره تدي گوزون

اوركده سوزلريم، بير خزانهدير
باهاريم سوووشوب، اوز خزانهدير
«يالقيز» ام سوزلريم يالقيزانهدير

يا گرك من دئيم اتليمه دوزون
يادا كي ديليمي كوكوندن اوزون

ساسانى عصرىندە اۇچان خالچالار
ايندىكى سۆز گىچىدى يالان اوستونە
بۇ يالانى دۇغرو آلان اوستونە
قۇي پالانى قۇوزا پالان اوستونە
باس يئرى سىن كىم كىمەدى آي بالا
گىت قاباغا قالما زاماندان دالا
دوشدو يادا باشدا گىندەن خۇنچالار
ساخسى كۆزە عصرى سىنىق دۇلچالار
شوقسىدە گۆيرلدە اۇچان خالچالار
خالچالارىن اۇچماسىن او دهرىدە
مطلبىنى گىت اوخو «همشهرىدە»
گۆر نە «شورىر» اوردا قىامت ائدىب
خالچانىن اۇچماسىنى اثبات ائدىب
دۆۋرە ساسانىيە مەربۇط ائدىب
سندە اوخو بۇ يالانى كىف ائلە
آل دالىنا بۇ پالانى كىف ائلە

نه آلاهدان ناراضيام،

نه دۆلتدن گيلئي ليم

باشداكيلار باشدا گزير، اياق آلتين

اودور، گورمور

اياق آلتدا قالانلاردا، قاريشقاتك ازيلير

گورمور، اونلار نئيله سينلر؟!!

ناراضيام، گيلئي ليم!

بانك ملّي قباغيندا، بازارچادا

ميوه ساتان طابقچيدان، گيلئي ليم

ائله بزه يير ائله دوزور

قارا خالتك گوستيريركن

آل آتيرسان گوتورمگه -

گورورسن كي، او ده ييل دير او بيرسيدير.

چۆمچەسىنىي ائله وۇرور، بىر دانادا ياخشىلاردان -

چۆمچەسىنىدە تاپىلمايىر

دۆۋرە گۆرۈب، ايش اویره نىب، هر آدامىن ايشى دەيىل

ئوده يالنىز آيىلىرام بۆرك باشىما نه جور گنجىب

گونده منىم ايشىم بۇدور.

هئى دئىرم كى آلمايىم، يا آلندا دىقت ائدىم

ائله تله قۇرولوبدور، فىكر ائتمىرم -

اوردان كئچن او تله يه يا دوشمه سىن، يا اياغى ايليشمه سىن

اوردان ميوه اوچ يوز تومن، محلله ده بنش يوز تومن!

محلله دن آغىر گلير، اوردان آماق اولوك گلير

ميوه ساتانلارىن چۇخو، عوام، ساده، ساوادسىزدير

نه خطى وار نه ده فىكرى!

خطى خلقى جازلاماقدىر

فىكرى كئفىن سازلاماقدىر

بۇنلا بئله

نه آلاهدان ناراضىام، نه دۆلتدن گىلئى لىيم.

يالقيز دردي

آي دوز آدام، شهرلي سن؟ كندلي سن؟
تبريزلي سن، جووندي، امندلي سن؟
يالانچيدان آچيqli سان، دردلي سن
دردين گل سين يالانچينين جانينا
چيبان چيخسين قولتوغونا، يانينا
محتكرين كاش انباري، داغيلسين
قيرقين اودو، وار يوخونا ياغيلسين
اينكلري ياد گنديين، ساغيلسين
سويا ده كسين آهاكلاري آچيلسين
بيغديقي مال هئچه پوچا چيخيلسين
حوقابازين، داشا ده گسين حوققاسي
اونو اودسون عدالتين ناققاسي
ووروب بيخسين، حقيقتين، ناققاسي

باغیرساقی دوگون دوشسون قیریلسین
حق الیلہ خام بنز تکین جیریلسین
«من» دئیہنین باشدان دوشسون شابقاسی
مکافاتین خافدان دهگسین شاپاسی
شاققالانسین ایکی پارچا شققهسی
یاخشی، پیسلر بو اولکهده، الهنسنین
یارامازلار دیله گلسنین دیلهنسنین
پیس آدامین پوخو دوشسون ترسهسی
گئری فالسنین، دولانماسین چرخهسی
ظالمترین یئره گلسنین ارخهسی
یالتاق اولوب باتیب یئره گیرئیدی
اولمه یئیدی «یالقیز» اونو گورئیدی

باغريم اولوب قان آلايه

اوره گيم درده گليب باغريم اولوب قان آلايه.
سن اوزون درديمه چاره ائله درمان آلايه
بو سوز اوستونده گنديدير چوخونون باشي دارا
توپراق اوسته بله شيب قانينا غلطان آلايه
آي جانيم بئله ده، فرقيلي اينسان اولماز
بو سوز اوستونده دئيرلر سنه بوھتان آلايه
گييه دوولتلي اوشاقي گزه الوان لباسي
يوخسولون آرواد اوشاقي قالان عوريان آلايه
بیر پر قو دوشك اوستونده ياتيپ ناز ائله يه

بیریدە تاپمایا بیر کۆهنەجە یۇرقان آللاه
میرزعلی معجز رحمتلیگه چۆخ رحمت اؤلا
نە گۆزل بۇ سۆزۆ ائتمیشسه اؤ عونوان آللاه
(بالی خلق ائیلە میسن یۇخسولو چاتلانماق اوچون
اؤنو باتمانلا تیخا، تاج حاجی رحمان، آللاه)
یاخشی صبح چاغی اویاندم دئی شیخ یات گئجه دیر
ائلیرم ایندی قضا نیتی سۇبحان آللاه

«دۇزون آختارسان اگر»

هۆله سك گلدی دونن دفتره دۇستوم (باری)
دئی: یاز دفتره یالقیز، «دۇزون آختارسان اگر»
ایندی بۇردان سۇوشوردوم یادیم سیز دوشدوز
بیرده بۇ تیتیری دئییم یاز، «دۇزون آختارسان اگر»
دئیم: آی دۇست هله ایندی دئیرسن بۇ وزۆ

دۈزلرې بۇردا تاپارسان، «دۇزون آختارسان اگر»
اۇ قدر اگرې، بۇروق يۇللارا چكميشلر، ائلي
بىزىده ائل اينانامير، «دۇزون آختارسان اگر»
يۇلوموز حق يۇلودور، سۆزلريميز، ائل سۆزودور
آيرې بىر يۇل يۇخوموزدور، «دۇزون آختارسان اگر»
بىزه تۆھمت وۇرا! هر كيمسه اۇ اينصاف سىزدير
غرضي وار بىزىله بىل «دۇزون آختارسان اگر»
(يارې) جان آرخابين اۇل، يالقيز اوزون وقف ائديب
ائللره قۇللق ائده دوز، «دۇزون آختارسان اگر»

ياي وار، قيش وار، چوخ ايش وار
ايچين آچسان، بۇ سۆزون
گۆره رسيز كي، هر ايش وار
هر بير ايشين، ايچينده
بۇروشوق وار، قيريش وار
هر قيوريشين، قاتيندا
ساييسيز، س. . . ش قيريش وار
ايشي گرگ، سئچەسن
سۇروش واردير، گيريش وار،
آيدين سئچيب، دۇياسان
دۆيوش واردير، باريش وار؟
قاليب سنين، دركيوه
دۇروس واردير، گنديش وار؟
گنتديگين يۇل، باغليدير؟
يا بير يانا، چيخيش وار؟
داغ دره تك، دۇلاشيق
يۇققوش واردير، انيش وار؟

زندگانلىق، اۇيوندور
اۇيوندا ھر بىر ايش وار
بۇ دونيادا نە قدر
بۇ سيستيم وار، رويش وار؟!
دوز ايش يوخدور اۇنو بيل
ھر ايشده بىر قميش وار
ياخشي دئييب اتالار
(ياي وار، قيش وار، چوخ ايش وار)

اۇلمايا گىتدىن ايليشدىن

وعده وئردىن كى گىندى قايىدىب تىز گلهسن؟
قايىدىب گلمەدىن افسۇس نىيە چىخدىن بىلەسن
تلسىردىن كى گىندى تىز اولون، وقت اوتور
تلسىك گىتمە دىدىك دۇر، بالاسى دوز ھلەسن
تلسن ترسە دوشىر، ياخشى دىيىلر بۇ سوزو
دوشىر البتە دىيىلر تلهيە چوخ تلسن
سن دەيىلدىن بىلە كى، اۇلمايا دودون ھاجالا
سنى كىم سالى بۇ غوغايە، اۇنو گل دىلەسن

اۆلمايا گئتدين ايليشدين بالا بير ماوي گۆزه
اينجه بئللي، ساري كۆينكلي، ساريم تيل تئله سن
يولدا قويدون گوزونو بير قارا قاش گوز، گوزلين
گل اونون حسرتينين دردینه چاره ائله سن
بۇ آبي گونبدين آلتيندا بيزه گئچدي يامان
گوزله بۇ گونبدين آلتيندا دا گئچمه ميله سن
فيكري قيسا قافاسي بوش، گوزو داردان نه چيخار
اؤمو كؤس ائيلمه بۇ قومودان ائتمه گيله سن
بير قيران اووجونا قوي دؤن بيله بين كس
بئله قير... ماز آدامدان نه اؤمورسان هله سن؟
بئيني اووهام ايله دولموش، قاني جهليله آخان
اوزلرين يئرله سورتنلري گورسن گوله سن
آدام اولماق يئرینه بۇردا بير عدّه ايت اولور
سورونور يئرده عافيلدير كي آغا من ايتيوهم
دئميرم بۇ تازا عشقين كلکين سن بيله سن

بیر پاییز خاطرەسی

گۈنۈش بۇلوتدادیر، آخشاما یاخین

پاییزین قودرتە، چاتان چاغیدیر

سالیدیر آیقدا، گۈللۈ یای یازی

گۈللری گۈزۈندن آتان چاغیدیر

ھاوانین اورگی، یئتیم اۇشاق تە

غۈصەدن دۇلۇخوب، یامان آغلايیر

داغلارین باشینی، بۇرویوبدو چن

دۇمان اۇخشایاندا، بۇران آغلايیر

کدرلی بیر گۈندۈر، تۇتقون بیر ھاوا

یاغیشدا باشلايیب، شیدیرقی یاغیر

بۇلۇدلار سۇروسون، سۇروب ياناغا
طبيعت اللري، سۇتلرين، ساغير

باييز گونلريدير، زۇمارين فصلي
چيخميشام گوزارا، بير آز شئي آلام
اۆز محلّه ميزده، تاپا بيلمه ديم
يۇلومو ايسته ديم، گجيله سالام

ساعات قاباгинدا، تاكسيا مينيب
دئديم باغ قاباغي، آپاريب سالدي
اوردك، قاز يئريشين يئرين زامان
بير تومن يئرینه، اون تومن آلدې

چتريمي آچاركن، دوزه لديم يۇلا
غوصه لي باخيرديم، ميلت باغينا
گنچن خاطيره لر، تيكيلدي گۆزه
آپاردي غم خبر، اورك داغينا

گاه بېر آز يئريب، بېر آزجا دوردوم
نظردن گنجيرتدېم، جوانلىق چاغين
حالېمي دۇيارلار، او كېمسەلر كې
گوروبلر قوجامان، گولۇستان باغين

گولۇستان باغينين، پوزولموش، حالې
آعاجلار سارالېب، گوللرې سولموش
ھر يئره باخېرسان، خزەلدى چور چوب
سو آخان آرخلارا، خزەلر دولموش

دامجې، دامجې ياغېش، اتكلرېندن
سارې يارپاقلارېن دامېردې يئره
گاھداندا سوروشوب، ياخېنلاشېردې
قترەلر اېستەبېر ال الە وئره

كېم سالېب داماقدان، گنجك بو سوزدن

آچماياق اوستونو، اورتولو قالسن
پاييزدا، ساريم تيل بايراقين آچيب
سۇرودون اۇخوسون، مارشيني چالسين

خۇش اۇلسون حالينا

خۇش اۇلسون حالينا

اۇ بىر قۇشون كي

قفسى گۆرمە يىب اۆتە ھوسدن

اۇنداندا گۆزلىدىر اۇ قۇشون حالى

دوشموشسە قفسە، اۇچا قفسدن

زمانە سىندىرا قۇل، قانادىنى

قفسىن قاپىسىن قۇيالار آچىق

آچىق سا، يا باغلى، داھا نە فرقى

اۇ قۇش كي قفسدە، دۈشە نغسدن.

ايكي كلك، ايكي ملك

ايكي ملك گۆزل كلك قۇربلار
بو كلكين داليسيندا دۇربلار
فیرتانالار سووۇب، عۆمور یۇربلار
ايكي سیده خیدمت ائدير ديلينه
بئللريني، باغلايب اوڭ، ائلينه
چالیشیرلار غزئته سوڭ یازیلسین
اۇراجاق كي مومکوندو، دوز یازیلسین
فارسجا نمک، تورکوجه دۇڭ یازیلسین
قاریشماسین نمک دۇڭا، یخ بۇڭا
خربزه ده اوڭ یئرینده، قاریپزا
اورکلر بیر، ديلکلر بیر، ائلده بیر
ایستکلر بیر، سوڭلرده بیر، ديلده بیر

آرزۇلار بېر، آمكلىر بېر، فعلدە بېر
بۇ يۇخونو آيري يئره يۇرماين
تعبيريني يابانجيدان، سۇرماين

من بۇ ايشە مات قالميشام
ياريم مني نظرينە آلمايير
آما بۇ يار دايم منيم گۆزومدە
دينديرمه بېر، دانيشديرمير سايمايير
بۇنلا بئله سۆزو منيم سۆزومدە
من بۇ ياري بس نه اوچون سئويم
مات قالميشام من بۇ ايشە اوژومدە
يالانينا عۆمور بۇيو، دۆزموشم
جانا گليب اليمدن بۇ دۆزومدە

ايندي منه سيز سۆيلهيين، نئيلهيم
دۆزمه‌لیم یا الیمی اۆزومه؟!
قیسیب دیشی ایچریمه‌ده ساخلایم؟
یا بۇراخیم آستا - آستا سۆزومه
ساخلاسامدا، بۇشلاسامدا گئچیب ایش
گئچمیشلره گرك دۇداق، بۆزومه

خاطیره‌لر سیلینمه‌سین یادیزدان
پاییز عۆمرون باشا وئریب بیتیردی
قیش اۆزونو هن - هۇن دئییه یئتیردی
بیری تاپدی بیریده وار ایتیردی
هامی بیلیر فلسفه‌سین، نجه‌سین

ياددان چىخارتمايىن، چىللە گىجەسىن

ان اولدە قارىپز ياددان چىخماسىن
بىر دىلىمدن چوڭ اوشاقلار تىخماسىن
سحرە دك راحت ياتىب يۇخلاسىن
صوبحە قدر ايچرىسىن بۇرماسىن
آزى اون يۇلا هئي آياغا دۇرماسىن

چىخارتمايىن قونشولارى يادىزدان
دادىزدىرىن اونلارادا، دادىزدان
خاطەلر سىلىنمەسىن يادىزدان
او گىجەنى بىر بىرىزى شاد ائدىن
گلن گونلر او گىجەدن ياد ائدىن

قوام نامہ

شئیطان اویونو

یئردہ آچیلان فرش دہییل دام بالدير
ایندي سپه جک بیر بیرینه دانه بۇ یئردہ
اؤلماز نه رفاقت نه صداقت بۇ قوامدا
چون هاممي گزير محور تومانه بۇ یئردہ
چوخ نوع قوام وار ائديرم نقل بیریندن
ائتمز لر اوغول، رحم پریشانه بۇ یئردہ
اول گتيريب فرشي آچارلار، دوزولر لر
سالالار نظر، قاليا رندانده بۇ یئردہ
هر کس کي آليب قاليني اول بئله سويلر
وار مایه سي منده بيلين آلانه بۇ یئردہ
دوره دوزلوب آچديلا چون نوطقي و بياني
گل باخ گوزلیم بازي شئیطانه بۇ یئردہ
ناگه او طرفدن بيري سويلر کي قازانسین
اول آرايا بير قيران عونوانه بۇ یئردہ
القسه بۇ نحويله گنچرکن نئچه ساعت

از بسكي وۇرار بىر بىرىنە سندن آشىردىم
بۇ دىفعە اۆزون بىل الە فىكرانە بۇ يئردە
سۇندان دئمە كى مندە نىيە قويدون عزيزىم
دۆندو گونوزوم چوڭ شىب ظلمانە بۇ يئردە
قىزدىردىلار ناگاہ گۆرەسن قويدولا بىردن
آلوار قالسىن قالى سئىسانە بۇ يئردە
بۇ نۆع قوامە بالاسى، قۇيما دئىرلر
آچ گۆزلىروي ائت گىلە دۆرددانه بۇ يئردە
واي اۇندادىكى سنده بۇ ثابتدى دئسىنلر
يۇل يۇخدو چىخىب قاچماغا بىر يانە بۇ يئردە
آللاه سنے خئىرىن وئره بىز خئىرىنى وئردىك
دۇستوم اورگىن باتميا چۇخ قانە بۇ يئردە
اۆل قالىنى وئر تۇزا قۇي رنگى آچىلسىن
وئر پرداغا قۇي قالى گلە جانە بۇ يئردە
آرشىندا سنے يوز تومنى دوز دۇرودان وار
وئر منفعتىن بىر تازا بىكانە بۇ يئردە
بىر بىر هرەسى آلدى قوامىن يۇلا دوشموش

ائيلر گولوم عاقيلي، ديوانه بۇ يئردە
آهسته دۇروب هاممي اكيدي قالي قالدي
دوورونده گزر صاحبي مستانه بۇ يئردە
قالبينده دئير كاشكي چيخئيديم بير آز آزدا
آخر گتيريب چۇخ طمعيم جانه بۇ يئردە
ايندي چاغيرديم گلسين ابولفضل يئره باتميش
يا يۇللاييم او جعفر نالانه بۇ يئردە
هر هانسيسي سي گله جك دئيه جك آرشينا يوز وئر
نئليم نه انديم قالميشام حئيرانه بۇ يئردە
اوللم گندهرم ياخشى يامان منده سيز ايله
بيزدن سورا بۇ سوز قالار افسانه بۇ يئردە
يالقيز نه قدر وصف قوامي دئسن آزدير
دۇلدور قوامين شرحيني ديوانه بۇ يئردە

يارامي اوزوم باغلاديم

يازديم دوشونجه درديني ديوانه باغلاديم

ديوانيمي اوركده يانا - يانا باغلاديم

آغلاتماديم بيرينده، اوزوم چوخلو آغلاديم

ائتدیم روانه گوز ياشين عومانه باغلاديم

ائل دردي قويمادي، من اوعول غوصه سي ائدم

گيزلينده آغلاديم، اورگي قانه باغلاديم

آزغين گلن او قوش كيمي يم دوشموشم بوشا

ويرانه ليكده بير اوتري لانه باغلاديم

اوخشار منيم بو آلنيمين يازيسي، عرصه دن توبا

بۇ رۇزگار الينده كي چوگانه باغلاديم
يئردن اوزولموشم، ياشيرام گۆي هاواسينا
وصل نىگاره جاتماغي كيهانه باغلاديم
داغ باسديلار بۇ بۇينو ما باش اگمه ديم خانا
داغلي سۇكوتولا يۇلومو، خانه باغلاديم
اصۇلو، كۆهنه دَبي، فۇرد يئميش دَني
من گۆيلومو گۆزه للره وئرديم گۆزه لليگه
ايلقاريمي محبته، اينسانه باغلاديم
«يالقىز» اوزوم يارامي آچيب درمان ائيله ديم
دۆزدوم عذابه، آغرييا مردانه باغلاديم
بهجت آباد خاطيره سي

تضمين

عاشيق اولالي، گۆزله ميشم، نازلي نىگاري
بۇ گۆزله ييب اختارمادا عۆمرو مده قۇتاري
هيجران غمي ائتميش بۇ ساياراق رنگيمي ساري
«اۇلدوز ساياراق گۆزله ميشم هر گنجه ياري»
«گنژ گلمه ده دير يار، يئنه اولموش گنجه ياري»

وار نه اشارانتي، نه هنيرتي، نه دير بير كس
گل - گنت كسيليب صوبحه ياخين، دۇرموشام از بس
حئيراندي خيالىم سۇ اوزونده ائله بيل خس
«گۆز لر آسيلي يۇخ نه قارالتي، نه ده بير سس»
«باتميش قۇلاغيم گۆر نه دۆشورمكده دي داري»

يۇرغون، يارالي قۇش دوشه آزغين، نه كيريلدر!
دديكجه سازاق دا، ياراسي ائيله گيزيلدر
بو دمده مسيحا نفسي گلسه، ديريلدر
«بير قۇش آيىغام، سويله رك گاهدان اييلدر»
«گاهدان اونودا يئل دئيه لاي لاي هۇش آپاري»

بير دردي اوركلرده تك آلاهدى بيلر كن
بيرده بيلر اشكي له او كي ايسلادا دامن
يۇخدور بۇ سكوتدا اولاي بير يئر منه مامن
«ياتميش هامى بير آلا ه اوياقدير داها بير من»

«مندن آشاغي كيمسه يۇخ اونداندا يۇخاري»

ياتميش قارا بختيم نگرانم، آچيلا صوبح
يۇرغون هله ياتماقدا فلقدن قاچيلا صوبح
اوخ تڭ آتيليپ باغريما بيردن ساچيلا صوبح
«قورخوم بۇدور يار گلهميه، بيردن آچيلا صوبح»
«باغريم يارييلار، صوبحوم آچيلما سني تاري»

آي خسته كۆنول تئز سحر اولماقدا داريخما
سنده سحر عشقينده ديل زاريمي، سيخما
بۇ حالدا آخاركن مني بخت اولدوز بيخما
«دان اولدوزو ايستر چيخا، گۆز يالواري، چيخما»
«اۇ چيخماسادا، اولدوزومون يۇخدو چيخاري»

كئچميش گئجه ياري، دمه - دمدير، بۇزارار صوبح
ايندي سوگولر، دان يئري، بيردن قيزارار صوبح
بۇ غناق گئجهني، سالميش آياقدان آپارار صوبح

«گلمز تانيرام بختيمي، ايندي آغارار صوبح»
«قاش بئيله آغارديقجا داها باشدا آغاري»

جانان اوره يينده، كي صفا اولمياجاغميش
عشق اهلينه جز جور و صفا اولمياجاغميش
بیر عۆمر يانارکنده، رها اولماياجاغميش
«عشقين كي قراريندا وفا اولمياجاغميش»
«بيلمم كي طبيعت نيه قويموش بۇ قراري»

فيكريمده دريب، دوزمه لريم ترسه تۇخولدو
دان اولدوز چيخدي، گنجه آهسته يۇخ اولدو
صوبحون او گوزل آل شفقي قانلي اوخ اولدو
«سانكي خوروزون سون بانې خنجردي سوخولدو»
«سينه مده اورك وارسا كسيب قيردي داماري»

دورما دهاگنت بسدير اوزون بير بئله يورما
حسرتله دوروب بوينونو ساغدان - سولا، بورما

بیر بئیلە سیخیشدیرما، اورک قانینی سورما
«ریشخندیلە قیرجاندی سحر سۆیلەدی دۇرما»
«جان قورخوسو وار عشقین، اودوزدون بو قوماری»

دوشدوم آرالی نازلی یاریمدان، همی ائلدن
بو گۆزلەیب - آختارمادا دوشدوم، داها دبلدن
کنچدی نه یامان آیلاریم آیدان، ایلیم ایلدن
«اۆلدوم قره گون آیریلالی، او ساری تئلدن»
«بۇنجا قره گونلردی ائدن رنگیمی ساری»

صئید ائتمهیه زولفییه ازل دام یارالدیب
سالمیش تورا آهسته چکیب بیغدی، دارالدیب
خوش گونلریمی، یار منیم حسرتله قارالدیب
«از بس منی یارپاق کیمی هیجرانلار سارالدیب»
«باخسان اوژونه، سانکی قیزیل گولدی قیزاری»

بیللم نییه غم، غوصه ازلدن منی خوشلار

گۆرچك مني هر كيمسه ده اولسا، اُونو بۇشلار
خۇشلار نئجه آختارمادا گۆرچك دني قۇشلار؟
«گۆز ياشلاري هر يئردن آخارسا مني تۇشلار»
«درياهه باخار، بللي دي، چايلارين آخاري»

گۆرچك اۇ ساري تئلره، جان رسته سي هۆردوم
باشدان داها جان قئيديني آتديم، اُونو گۆردوم
دوشدوم اُونون آردينجا، شيرين عۆمرومو سۆردوم
«محراب شفقه اوزومو سجده ده گۆردوم»
«قان ايچره غميم يۇخ، اوزوم اولسون سنه ساري»

هيجرانيله عۆمروم بوتونو، اولدو، كئچك لي
سۆزلرده اوركلرده، چۇخو قالدې لچك لي
عۆمرو غميله، «يالقيز» ين اولدو، كۆچه جك لي
«عشقي واريدي «شهريار» ين گوللو، چيچكلي»
«افسۇس قضا وۇردې، خزان اولدو باهاري»

گل ...

ايل لر بۇيو من يۇللاريوي گۆزله ميشم گل
سال ميش يۇلوا بۇلدوزري، اۆزله ميشم گل
ديك - چوققورو قالدIRMيشام آنجاق كي يۇل اوستن
غلطك له گريد ر سالين دوزله ميشم گل
اوج آي او سۇبوق قارلي، قيرۇولي قيشي سۇودوق
بیر - بیر ساپالي گونلريوي، يوزله ميشم گل
تنبل، چۇلاق ائشك كيمي گونلر يئرميردي
هئي تاپدالاييب اۇناسينا بيزله ميشم گل
گل، گل سنه قۇربان كي آغير گوندو، بۇ گونلر
بيلميرسن آخي من نئجه سن سيزله ميشم گل

سۆزلر چكىلىبىدىر شىيشە حاضىردى كىباب تىك
داىىردى اوجاق اودلارنى كۆزلەمىشم گل
آتلر پوكالىب آغزىوا قۇي چىننمەمىش اۇد
ازبىسكى ياتىردىب سۇغانا دۇلامىشام گل
بۇ شىرى «كىمالى» بىلە ھىدىتلە يازىردى:
«گل، گل دىئەلى يۇللارىوى كۆزلەمىشم گل»
آغلىردى يازاندا منە مجلسىدە اۇخوردۇ
ھالىن دەپىشىب، گۆلدوروبىن سۆزلەمىشم گل
«يالقىز» چىوپرىب مطلبى چىكىدى سۆزۇ مىرتا
آنچاق دىدى گل يۇللارىوى اىزلەمىشم گل

فلکين قۇرقوسو

بۇ نە قۇرقودوكي قۇردون آي فلک
قۇواندا چاغيرير قاچاندا سني
بۇ قۇودو قاچديدا ايشلره دوگون
سالاندا چاغيرير آچاندا سني
آختارير قۇش كيمي هره اوز دني
قۇناندا چاغيرير اۇچاندا سني
سۇخولوب ميپباغا گيزلي جه تيخان
بيشيك ده چاغيرير سيچاندا سني
خلقي بير - بيرينين جانينا سالدين
ووراندا چاغيرير... دا سني
سن كي يالقيز ائله آرخالانيرسان
«گئجه» ده چاغيرير «قۇچان» دا سني

يالقيز سالما جيغان ويغان

قيد جامين ويرديم داشا، يورقاني چكميشم باشا
قات - قاريشيق زمانهده، فيجه لرم گلسم هوشا
ايسته ميرم منده قانيم، ياخشي - پيسي باشدان باشا
حق سوز دئين بو دوورهده، قالار سفيل و سرگردان
اييلماغا يوخ خياليم، يالقيز سالما جيغان ويغان

بیر یئرده کی مظلوم اوزو، راضي اولماييم مینه
پیس - ياخشيني درك ائتمهیه، اوز باشيني سوخاينه
راحاتليغي ايستمهیه، نه اوزونه، نه بيرينه
سن اوزونو چيرماقليه، قانماز دونوب اولماز قانان
اييلماغا يوخ خياليم، يالقيز سالما جيغان ويغان

بۇ قارىشىق زىمانەدە، باخ يۇخدو نىزلارا
ذلت قانانلارن كى دى، كئف يئتىشىب قانمازلارا
آينا - داراقي وئردىلر كئچلر ايله دازلارا
سۇموك آتىن قاباقىنە، وئربىلر ايتلرە سامان
آيىلماغا يۇخ خىالىم، يالقىز سالما جىغان ويغان

زمان بۇيو گلب گندىب ايرشاد اوچون نچە سرۇر
كئچمىشده تانرى گوندهرىب يوزايرمى دوردمىن پىغمبر
چالىشىدىلار دوزلمەدى اوژون اشرف بىلن بشر
چۇخلو نصىحت ائتىدىلر اولار بۇ يۇلدا قۇيدو جان
آيىلماغا يۇخ خىالىم، يالقىز سالما جىغان ويغان

دۇققوزبوز ايل مدتىنده، قىرخى كىشى، قىرخى آرواد
نۇج پىغمبر گنجە - گوندوز، زحمتيله ائتىدى ايرشاد
بۇ يئتمىش ايل لىك عومروده، نه قدر من چكىم فرىاد
دئيب - دئيب اولوم دللى، قارقايا سويلەيمىم طرلان

آييلماغا يۇخ خياليم، يالقيز سالما جيغان ويغان

لوطف ائله ييب اۇلو تانري، گويدن يئرە گله اوزو

گوره بۇ كال بئيين لره مصلح لرين گيرمير سوزو

بیر بئله زيرت - پيرتिला مين دبيري يۇخدور دوزو

اؤلوب ديني، ايمانې پۇل، مارك و دولاريله تۇمان

آييلماغا يۇخ خياليم، يالقيز سالما جيغان ويغان

بیر مثل وار دبئيلر كي، هاچان چبخار تك الدن سس

پاقلارين يولوندا من، هاراي ساليم تۇتسون عسس؟

سن قهوه لرده وئله نيب، منيم يئریم اولسون قفس؟

من كئچيم جانلي قازيغا، سن داليمجا سويله داستان؟

آييلماغا يۇخ خياليم، يالقيز سالما جيغان ويغان

فايداسي يۇخ چيغيرماغين خالق گندير دوزا بالا

علم و هنر ياددان چيخيپ گندير تۇپا، بالا، بالا

چوخونو شۇتله بیر تيره، گاهدان بيرين باسير قولا

ياتماق بۇ گۆن قازاشلى دىر، آيىقلىقىدا واردىر زيان
آيىلماغا يۇخ خياليم، يالقيز سالما جيغان ويغان

بۇش يئرینه زۇغال چالما، باشون قۇيلا يۇرقانيوا
راحات ياتماق ايستەيىرسن، تۇسباغا تىك گىر قينيوا
ائله بىر سۆز سۆيلىمە كى شاه بگىم دوشسون جانيوا
نازلا بىر آز سىندە اونو، «نچاراوغلو» سىنە قۇربان
آيىلماغا يۇخ خياليم، يالقيز سالما جيغان ويغان

قۇردون ايشي قالير قيامته؟

بیر حیکایتدی شیرین شرح اندیرم من بیلنه
بیلیرم خۇش گلەجک، آغلايانا هم گۆلنه
تۆلکۆ بیر گۆن دۆلانیردی آجینا چۆل بایری
گۆردۆ بیر یئردە قویون قویروغو مئت یئیەنە
چۆخ باخیب دیققیلە گۆردۆ قۇرولموش تله وار
بۇ یئمک یاخشیدی لاکن منە یۆخ، بیلمەیهنە
دئدی سردار رشیدە بۇ کی زبینه دئییل
بیر تیکە آندن اۆتور چۆللری سۆم - سۆم، سۆلەنە
گل گندک بۇردا یاخینلیقدا، عجب یاغلی تیکە
من دویونجا یئمیشم، سنده یئە کۆنلون سئوہنە
آپاریب وئردی نیشان، گۆرجک همین قۇرد یۆمولوب
دونیادا ایش بئلەدیر، هر بیلەنە، بیلمەیهنە
تله شاققیلدادی قویروق آتیلیب قۇرد تۆتولوب
آدانار پخمەلر البتە فریلقا وئرهنە
قویروغو تۆلکۆ یئییر، قۇرددا زاریلدر تلهده
قۇرد دئیر اۆز، اۆزۆنە باشیما کۆللر الەنە

سۆيلىدى: تۆلكو داداش من هاچان آزاد اولارام
يا منه قالدي آزادلىق داها بيرده اولنه
ايشلرين عاقىبتين كيم بىلىرى، تۆلكو دئدى:
قۇرتولوش قالدي عم اوغلو سنه صياد گله نه
سندە «يالقيز»، نه سۆزون واردى بالا ياز قزئته
نه ايشين بيلمه يه نيله، ائت اشاره بيله نه

باشيويڭ اييڭ وئرمه!

نە بېلېر كېمىسە نە دېر دېدە بىلاسى باشىڭىڭ
يا نە دېر عېيى گۆز اوستوندى كەمان تىك قاشىڭىڭ
بېر پارا نەبەب الېندى دۇرا كېم شىكۆه ائدە
بېلېنر اۇندا اۇنون وار نە بىلاسى باشىڭىڭ
وطن آوارەسى اولموش جاني چۆللردە چىخار
من كېمى چۆل قۇشو اولموشسا بىبابان داشىڭىڭ
باش آيىرسىن، ساتىلىرسان نىجە بېگانەلرە
فاش ائدىرسىن اولارا سىررىڭىڭ قان قارداشىڭىڭ
ياخشى يۇلداش آلە دوشمىز، دوشەنېن قىررىڭىڭ بىل
قىمىتى چۆخدو او قارداش كېمى بېر يۇلداشىڭىڭ
بۇ گۆن ائىل شاعىرىڭىڭ نېن گۆز ياشىڭىڭ يۇخدو سىلن
آخان هر قىررەسى جاني قىمىتىڭە گۆز ياشىڭىڭ

«باشیوین وئرمه اییین» ائل آرا بیر سوژدو بۇدا
سنده وئرمه اییینی یاغلی، کچل داز باشینین

فضولونون غزلیندن استقبال

ائیله مستم جام غمدن، بیلیمیرم دونیا، نه دیر
سر نه دیر، سامان نه دیر، باشیمدا بۇ سئودا، نه دیر
سانکی لؤل مستم بیخیلمیش بیر طرفده باش آخیب
آتمیشام جان قئیدینی باشدان، هله دونیا، نه دیر
بئيله بیلیمیردیم کی رسوای اولماغین معناسینی
ایندیکی رسوای عشقم، دؤیموشام معنا، نه دیر
دوشمه سن مئیدان مغناطیس عشقه، قیس تک
هاردان آنلارسان طیفیل، سن جذبه ی لایلا، نه دیر

وامقین داستان عشقین بیلمه سن باشندان باشا
 دؤیماسان عشقین گوجون کي، قودرت عذرا، نه دیر
 ائتمه سن مؤسا کیمی فرعونا عصیان، حق اوچون
 دوشمه سن داغ - داشلارا درک ائتمه سن صحرا نه دیر
 او نظر ارنی سئویله مه، تالن ترانی، سس گله
 لاله یی درک ائده نلر، آنلایار، الآ، نه دیر
 قالماسان مؤسا کیمی «یالقیز» او چۆلده، بیلمه سن
 وادی ایمن هارا یا جلوه یی سینا، نه دیر
 سندن آلدیم ای «فضولی» شعریمین الهامینی
 «ائيله مست جام عشقم، بیلیمیرم، صهبا، نه دیر»

صابر سایاق، معجزواری

قورخوم بۇدور، اینسانلیغی گۆزدن سالارکن خوار ائدم
 باغدان قووام بولبوللری، گول هم نشینین خار ائدم
 تازه سۆزوم یۇخدور دئیهم، گۆیلومده، ایستیر زور دئیهم
 شیرینه قانماز، شور دئیهم، حالین بۇ خلقین زار ائدم

تڪجه ايشيم اولسون شوعار، ذره شووروم اولماسين
 قارقا تڪين قاره گنيب، هئي هاي ساليب قارقار اندم
 جاهيل كيمي هر يئرده من، بير بوروم اوسته سوگه نيب
 مين يول دئيلميش سوزلري، طوطي تڪين تڪرار اندم
 سانكي دوه ياتديق يئري، كفلنميش آغزيم، ايشله يه
 ساغدان، سولا، سولدان ساغا، هئي كوشه ييب نوشخوار اندم
 بير عده دار گوزلر كيمي منده بو خلقه خور باخام
 قانين بو خلقين شيشه يه توتوموش گونون زينهار اندم
 هامى گركدير من كيمي فيكىر ائتمه سه، تنگيشديريب آزار اندم
 دورد بير طرفدن زور گلديب، خلقي سيخام چيخسين سويو
 بو نوعيله گن دنياني، خلقين گوزونده دار اندم
 آلاهي علمين، قدرتين اوجسوز بوجاقسيز خلقتين
 علمي كوكوندن من دانيب، حقي بوتون اينكار اندم
 دورسام پریشانليقلاري، شرح ائتمه يه گلمز باشا
 حال اولسادا يوخ فورصتيم بو سوزلري طومار اندم
 منده بو گون بير شاعيرم، «يالقيز» وظيفه مدير گرک
 «صابر» ساياق «معجز» واري ياتميشلاري بيدار اندم

قاچيرام اينسان آيندن

اۆلۈشمۇشام ديوانه عشقندن نىگاريم، آن منى
عشقىدە جاندا كئچن عاشىقلرىندن سان منى
امتحان ائت بىر كرە، جانا سىناقدا چىخماسام
داشىمى بىر يۇلۇق آت، دۆن اصل - كۆكدن دان منى
قاچمىشام ديوان ايندن چۆللردە ديوانه تك
اۆلمەسمدە اۆلدورر، آخىردە بۇ ديوان منى
چۆخ گىلايمە يۇخدو شئىطاندا منى آلداتما
هئچ زمان آلداتمايىدەر، سىز كىمى تك شئىطان منى
قۇرخان اۆلسە گۆندە مین يۇل، قۇرخمايان بىر يۇل اۆلر
من اۆلۈمدن قۇرخمورام، هئى قۇرخودور قۇرخان منى
قاچمىشام اينسان ايندن ياوارام حئيوانه من
تا كى اينسانين ايندن آلسين اۇ حئيوان منى
اۆلسا اينسانلىق بئله، اينساندا حئيوان ياخشىدەر
گۆندە مین رنكە بۇيانسام، سانماين اينسان منى
فيجەلردىم اۆلماسايدى گر مۇكافاتِ عمل

بۇ سۆزە وار اعتقادىم، ساخلايب ايمان منى
آرزۇسون قويدوم گوزونده، نفسىمى اولدورموشم
اولموشام رسواي عالم، چون توتوبدور قان منى
يا آپاررام ائللري چاتديررام آخير حقينه
يا ائدرلر حق يولوندا ائللره قوربان منى
وار اوميدىم وصلينه بير گون چاتام «بالقىز» يارين
يار دئييب اوز باغرينا جان تك باسا، جانان منى

باخيش وار باخيش!!

قورخولو قانلي غيضيلى بير جوت او گوزكي سنده وار
بيرجه ايشاره ائيله جك، مينلري قان، توكنده وار
باخاغيں ايري كيمسه يه، قالدي اونون كي، آلاها
چيخسين او گوزلرين سنين، او نه باخيشدي سنده وار
رحمه نه گلدي بوشلايب، توتدون عداوتين يولون
يوخدور اصلتين سنين، نيفرت اودور سيننده وار
بيرجه اووج، كي دن يئره، سپجهيين قوشلار ايلنير
رام اولورو، او وحشي قوش، سري نهدير كي دنده وار
چوخلو عقيق، دور وار، كاسدي، كدرليدير، ولي
صاف، دامارسيز ايسته سن، بئيله عقيق يمنده وار
سن صباح اعتباريني گوزله بو گون، كي كورلما
آبرو ايسته سن صباح آختار آرا دوننده وار
اوندان آدامليق اونمايين، مكتبي كي يئل ايسمدير
هر جوره يالتاق اوز دئسن، هر يئليله دوننده وار

بیر عۆمور آغلادییدیلار، گۆلمه یه قویمایبیدیلار
قالدی بیزه گۆلومسه مه، مرثیه خان اولنده وار
عقل ائنده پای - پۇلوش، دوشدو یامان قاپۇش قوپوش
بعضی سی قاپدی چۇخلوسون، چۇخ بیلن، آز بیلنده وار
بیر دانا، قور آتیلجاغین، «یالقیز» آلیرسان اۇد، نه دن؟!
پوهره لی وولقان ائیلیسن، سئویله نلر، سینه نده وار

پۇلسوز کیشی

پۇلسوز کیشی نین توانی اولماز
بیر سۆز دئمه یه زبانی اولماز
دوینا دۇلوسو، صداقت اولسا
اینسان یئرینه، سانانی اولماز
پۇلدار آدامین بدنده قانی
پۇلسوز آدامیندا قانی اولماز
بیگانه سایارلار، اقربالر

مجليسده اُونون مكاني اولماز
گۆزنده دوشر سالارلار الدن
الدن يازيغين تۇتاني اولماز
يۇردوندا ياشار، غريبه لر تك
يۇردو، يوا، آشياني اولماز
آرواددا اۇشاقدا يان گزرل
آللاهدان اۆتور ساياني اولماز
بئش گۆن مريض اولسا خسته ياتسا
بيچاره نين هئچ باخاني اولماز
گۆل تك سارالار، سۇسوزلوقوندان
بولبول كيمني نغمه خاني اولماز
باغدا قۇروموش آغاچا اۇخشار هئچ كيمنه يه سايه باني اولماز
لاكن وار اولسا، گل قۇلاق وئر
گۆرماقا گلر قالاني اولماز
گرچه اُونون اولمايا، كمالي
لاكت سۆزونون يالاني اولماز
محكومدو بۇ دونيادا عذابه

هر كس كي اونون قراني اولماز
قانون طبيعت حكم حقه
يوخسا بنله بير تباني اولماز! ؟
هر يئرده كي روشوه سالدې ريشه
عدلين داليدا دوراني اولماز
روشوه قاپودان كي واريد اولدو
حق ناطيقنين بياني اولماز
تئز پنجره دن قاچار عدالت
آردينجا قاچيب توتاني اولماز
«يالقيز» سوزو دادلي دوزلو ياز آز
اولسا آجي سوز، آلاني اولماز

دوغرو عاشيق

اوركدن عاشيق اولان، فيكر ننگ و عار ائتمز
مدام او يار دئيه، ذكر غير يار، ائتمز
يانار فراق اودونا، شيكوه ائيله مز ياردان

نه اينجىكر، نه بئزر، غمدن آه و زار ائتمز
 ويصاله چاتماق اوچون، آختارا يولون وصلين
 ويصاله چاتماسادا، فيكر انتحار، ائتمز
 قوپار اوڭ عاشيقينه، بير قاچاق يولو معشوق
 تمام بت برهني باغلاييب، حيصار ائتمز
 سني صبا، منيده گوز ياشيم، لووا وئردى
 كي سئوگي، سئوگي سيني سيريىن آشكار ائتمز
 او ناشى اووچو منى، اوولايب كيچىك ليكده
 كي ماهير اووچو اولان كورپهني شىكار ائتمز
 يقين علاج سيز اشار، اوڭگه نين دووارىندان
 كي چاره سيز بير آدام خوف حبس و دار ائتمز
 دئيرلر داردا قالان، چاره سيز كئچر جاندان
 كي جانه دويموش آدام، هر نه ائتسه عار ائتمز
 رقيب چكسه حيصار، يئندى موهره لي ديوار
 كمند آتيب اشارام، دام دوواردا كار ائتمز
 او يار كي من تانيرام، ساليب بو عشق اوڭونا
 كول ائتمه بينجه منى، اوڭگه ايختيار ائتمز

سۇراخلاشىدىي گىلر آختارار تاپار «يالقيز»
كولون سپر باشينا، چۇخدا شرمسار ائتمز

عبرت

پاييزدا سۇلوب، اولسا پۇمرده طبيعت
عارف بو طبيعتدن آلار بۇللوجا عبرت
عارفده اودور اولمازميش ذرّه منيت
اي كاش بشر بير دوشونوب عقله دۇلايدي
مينده بيريسي، چۇخ دئميرم عرف اولايدي

ياز فصلي يئنه جان تاپاجاقدير بو طبيعت
هر يئرده اوزون گوستره جك شانلي حقيقت
دۇنيا اولاجاق عالم امكانيدا جنت
هر بير گويرنتي گوله آنجاج دۇلاجاقدير
اوز سئوديگي تك گوللر آچيب شاد اولاجاقدير

گول آچمادي اينسانليغين افسرده باغيندا
گورسون اوزونون گول اوزونو، شانلي چاغيندا
سولد. ساراليب ياندي قاليب گول بوداغيندا
بو اولكده اينسانليق هاچان گول آچاقاقدير
آزادليق، عدالت دوشونه گول ساچاقاقدير

حبیبیم

منه لوطف اوزيله باخسان، نه اولار سنه حبیبیم
كي گوزل باخیشلاريندان منیم اولمايیب نصیبیم
اگر عومرومون سونوندا اولايير کره، نصیبیم
هامي دردیمه دوادير، باخیشین گوزل حبیبیم
مني فرقتین سالیبدير ائله درده یوخ علاجي
دئمیرم مگر كي وصلین مني تۇخدادا، طبیبیم
گئجه لر قاپیندا دۇررام، صوبح اولونجا یاتمارام من
كي دینچیلیک آدیله، گله بیلمه سین، رقیبیم

نە ئندىم كى «يالقيز»ام من دۆزەرم يۇخودو چاره
بۇ جفالرين حسابين، آلاجاق دقيق حسييم

يۇرقون عاشيق

اۇزاقدان گل미شدي يۇرقون بير عاشيق
سۆزونو سازيله دئدي، آغلادي:
بارين قاپۇسونو چالديم آجمادي.
اۇ دئييب آغلادي، اورك داغلادي
آچدي پنجره نى قۇنشوسو، دئدي:
گندييلر سفره دۆندو، باغلادي.

اوترى بير باخيش

آچيرام تاريخي باشدان اۇخورام
كى نەلر باشينا گل미ش بشرين

جۇمورام فيكره دىندن اۇيورام
اۇخورام خئير عملين شر اثرين

ايزليرم سئيريني آدم بابادان
اوز وئريب دۇنيادا چۇخ واقعهلر
يازيلان تاريخه باشدان باشا باخ
قتل و غارتدي آجي فاجيعهلر

آزاراق يئرده تبسۆم گورونور
اودا بۇ دوزسوز حياتين دوزودور
يۇخسا باشدان باشاسي غمدي كدر
بۇ حياتين لاپ او خاليس اوزودور

بىر به بىر شرح و بيان ائتسم اۇنو
چۇخ مفصلدي حيكايه چۇخ اۇلار
منده تىكرار ائلهسم بىرده اۇنو
تاريخين تىكراري بىر تاريخ اۇلار

نە زوھاکلار كى ايلاه، چىنىندە
آدى اولموش آدام حىوانلىق ائىدىب
دىرى قالماقدان اوتور گونده وئرىب
ايكى نورسته نى قوربانلىق ائىدىب

نە فرعونلار تاپىلىب، دونياده
ظولموله، حوكم سوروب، شاهلىق ائىدىب
اوزو اولموش بشر اوز عصرينده
مظلوم اينسانلارا آلاهلىق ائىدىب

سىنما پرده سى تىك، صحنه لرى
سورعتيله نظرىمدن، سووشور
اوخودوقچا، او آغىر فىتنه لرى
گوره گىن اورتاسى ضربدن قووشور

ظولم اولوب حدسىز، حسابسىز بشره

ايندى اوندان چۇخ اولور سۆز يۇخدور
سۆز ولي بۇردادىكى ايندى يەدك
دوز چۇخ آزدير ائله بيل دوز يۇخدور

چاتيرام سورعتيله، عصر يموزه
عصر اينترنته، قرن آتۇما
بۇ تمدونله، بۇ علميله يئنه
زۇر دئينلر، ال آتيرلار باتۇما

يئنه بير عيده اودوخموش اوژ تك
ايسته بير دونيانى دورد اللي دۇتا
او كئچنلر بشييريدير، يئتسه ده
بۇنلار ايستركى بوتون چى - چى اودا

بۇ عدالت بۇ آزادلىق آدىدا
تله دير، تۇولامادير بير دامدير
بۇ قدر جهل اۇدونا، يانماغيلا

بیشمه‌ییبیدیر هله اینسان خامدیر
آز زاماندا نه چوخ ایشلر گوردوک
عقله گلمز بلالار گلدي، باشا
بوتون ایسته کلریمیز اولدو هاوا
اوخوموز گور نه یامان دیدی داشا

خلق بیر گون چاتاجاق آرزوسونا
یئر قووشسا گویه، گویلرده یئر
عم ایله کشف ائدهجک هر نه کی وار
چیخاجاق خالق خلقتده بره

آزلیبر، سورتولور حقلر آرادا
حقهده آرخا دوران، یالقیزدی
بوراجان ساغ کی قالب «یالقیز» دا
آلاهین ایسته‌گی دیر، معجزدی

تاڤماجا

ال بير اولوب ايكي ملك
هر بيرنده مين بير كلك
ويرينيخيرلار، الك فلك
تاڤماجادير، تاڤين گورك

گنجه، گوندوز، چاليشيرلار
فيكريميزه، ساريشيرلار
هانسي ديلده، دانيشيرلار
تاڤماجادير، تاڤين گورك

عومور بويو، سوز يازيرلار
دايم بيزه، گور قازيرلار
نه ايتيرلر، نه آزيرلار
تاڤماجادير، تاڤين گورك

بيري قره، بير آغدير

بىر درە، بىرى داغدىر
بىر چۆللۈك، بىرى باغدىر
تاپماجادىر، تاپىن گۆرك

نە اتلرى، نە قانلارى
بللى دەيىل، مەكانلارى
ايشلەيىر ھەي، تۇكانلارى
تاپماجادىر، تاپىن گۆرك

آيىلىرسا كىم، يۇخودان
قۇرخودورلار، تىز خوخودان
بىزى اولاردى، قۇرخودان
تاپماجادىر، تاپىن گۆرك

اگلە شىبىلر، چىگىمىزدە
يىر ائدىلر، بىنىمىزدە
دولانىرلار، زھنىمىزدە

تاپماجادير، تاپين گورك

كيم اولارا، اينامي وار

ايناديران، كلامي وار

تاپا بيلسه، انعامي وار

عجائب زامان

علي، سن نه تكجه اينسان، عظمتلي بير جهانسان

او کرانه سيز جهاندان، بيزه بير بويوك نيشانسان

يئر اوزونده يوخدو مثلين، يازا بيلميرم كي وصفين

نه دئيمم كي بيلميرم من، سن عجائب زامانسان

هله سن تانيلماييبسان، ائله كي تانيلماييدين

سن حقيقت عالميندن، بيزه حجت عيانسان

سن او ماوي صاف، گوي تك دولوسان آي اولدوزيله

كي بو خلقتين گويونده، عظمتلي، كهكشانسان

هله كشف اولونمايبيدير، كي نهلر وار، هيئتينه

کي ايشيقلې بېر گونش تڭ، بولو اېچره سن نهان سان
او بشرسن حق يولوندا، الين اوزدون هر نه ييندن
هامييا تعلقون وار، سن امام هر زامان سان
سني ده بېر عيده جاهيل، زامانيندا تڪفير اتدي
يئكه شئخلرين ايلندن بيليرم کي باغري قان سان
سني درک انده نمه بيلير عصبي، جيچيکلي شئخلر
کي ووروبلا مارک توهمت علي دوشمن قرآن سان
علي داستان عومرون ائله غوصه، غملي داستان سان
داها بورد ساخلا «يالقيز» غمي باشقا بېر مجاله
کي بو گون غديرخم دور بيليرم کي شادمان سان

بېرين اوزونه، بېرين خلقه

بېر اليمده قلم بېر الده کاغاذ
خياليم بويلانير صندلن ميزدن
ايسستيرم بېر آزجا گيلئي ليک ائدم
آجيغيز گلسه ده آميرزه سيزدن

بۇ نە بېر كلكدېر آي ايكي كلك
بۇ خلقه قۇرسوز ايكيзде يۇخسوز
ائللر آج سۇسوزدور سيزين سۆزلره
سيزده ائل غمىندن يثيب سيز تۇخسوز
بۇ نە جور يازماق دېر نە تەھر دئمك
گاه نالا وۇرسوز گاهدان دامىخا
ايسته ديز قزئتي گوللنديره سيز
گوللنديره نمه ديز !! چكيب سيز...
بۇ نە جور خوركدير بيشيرديز بيزه
گاه دۇزو چۇخ اولور گاهدندا دۇرسوز
اغزيمدا تيكه بويويور قالير
آتماق دا اولمايير اۇدماقدا سۆرسوز
چكيلين قيراغا، بۇشلايين ايشي
قويون كيمي ايش باجاران، ايشيني گۆرسون
بۇدا بېر يۇخودور «خان آغا» گوروب
خانين، يۇخوسون، خان گرك يۇرسون

آيرىلىق اودو

يانىرام آتش فراغىندا

گىزىرم وصلينىن سوراغىندا

نه دئىيم آي اوعول گئدن گوندن

من نه لر چكىمىشم، فراغىندا

بىر حالا دوشموشم كى دىندىرمه

ياتمىشام دردلىرىن قوجاغىندا

گورمه دىم گول اوزون نه تىز سولدون

گوزلىرىم قالدى گول ياناغىندا

گولشنىم ياز چاغى خزان اولدو

بولبولوم اولدو گول بوداغىندا

گئتمه بىن آي بالا گلىم من ده

بىر دايان آزجا يول فراغىندا

كى گلىم بو يولا اولاق يولداس

آتاوين جان دوروب دوداغىندا

آتش حسرتە يانير كوز تك

كۆل اۆلور، غملىرىن، اۇجاغىندا
تۆكنىب آز قالير كى قۇرتولسون
عومرونون ياغىدا، چىراغىندا
بۇ فلک هاممىيا، ايجديره جك
اۆلومون باده سىن، چاناغىندا

گۆزلىن هر زادي گۆزلاير

آغلاسا گۆيچك گۆزل آغلار، گۆزل گۆيچك گۆلر
عقل و تدبير اۇينايان يترده چالار گئرجك گۆلر
آلقيش اۆلسون شمع كى جانانه، جان قۇربان اندر
آغلايان حاليندادا، ناز ائيله ييب گۆيچك گۆلر
آغلايان يئرلرده آغلا، گولمه لي يئرلرده گۆل
رسميدير توي دا قارا تئل اۇينار، آغ بيرچك گۆلر
بۇ نه دندير بيلميرم ياس مجلسينده سسليرن

آغلایانلار تئز کسر، تار دونه گي گورجك گولر
«یالقیز»ین آغلار گوزویله بیر گولرلي وار اوزو
گنتسه هر بیر مجلسه یولداشلاری گورجك گولر

الله جمیل و یحب الجمال

آي نازلي گوزل تانري كي ناز خلق ائله ییب سن
بۇ خيلقتي چوخ عالي، تراز، خلق ائله ییب سن
بیر ذرده یوخ عیبي، او كي واردي گوزلدير
ديقتله كوك ائتمكدهده، ساز خلق ائله ییب سن
پایيزي ياراتماقدا قیامت، قوپاریبسان
عاريفلره بۇ فصلي، نیاز خلق ائله ییب سن
قیش فصلي قوي ايستيدادبلا حوكمونو سورسون
آزادليق ايله قيشدان سورا یاز خلق ائله ییب سن
بۇندان گوزل اولمازدي ياراتدين ياراشيqli
یازدا نسيمي قیشدا اياز، خلق ائله ییب سن

هر ديلده سۆزون وار دئمه يه آي گۆزل آلايه
تور كجه سوغاني، فارسجا پياز خلق ائله ييب سن
لاكين بشره نوبه چاتاندا، حئييف اولسون
ديك چوققورا جؤنموش ناتاراز خلق ائله ييب سن
شئيطانلاري باخ دريا درينلي كده، كل كده
دوز اينساني چوخ ساده، داياز خلق ائله ييب سن
عقلين چوخونو دين سيزه وئردين نبيه يارب
ديندارلارا عقليين پايين آز خلق ائله ييب سن
قاتدين باشين ايستكلي لرين صوم و صلاته
مؤمينلره بير بوللو ناماز خلق ائله ييب سن
صرف ائتديلر عؤمرون ياريسين دستاماز اوستده
كافرلري آزاد بئناماز خلق ائله ييب سن
بير عيده ني آي تك اوزو، خرمن كي مي زولفو
بير عيده ني توكسوز باشي داز خلق ائله ييب سن
هر اولكه اولور فيتنه يه گاهدان ايكي جانلي
دايم گۆزل ايراني بوغاز ائله ييب سن
حيكمت نه دي كي يوخ سؤال حيكمتمدن ايلاهي

ھاردا بۇ يازىق خلقي مجاز خلق ائله ييب سن
عاشيقلريوين رقيبىن بۇنونو قاز خلق ائله ييب سن
بىر عىدە سئوير قافىه سىز شعرده سىرست
من «يالقيز»يدا قافىه ساز خلق ائله ييب سن

اولكەمىز آباد، ائللر آزاد ياشاسىن

ايدن وئردىز منه، بۇ بزم مۇباركده دۇرام
بيغام ايستكلي لري، باشيما اگلنجه قۇرام
اورگيمده قۇرولان سۆز سازينا زخمه وۇرام
بۇدور، اولده سۆزوم، اولكەمىز آباد ياشاسىن
ياشاسىن ائللريمىز، هر زامان آزاد ياشاسىن

بىرده آرزۇم بۇدور ائللركي سلامت قالاسىز
اۆز، حياتىزدا، چاتيب آرزولارا كام الاسىز

تۆي اولا، شنليک انديب اويناياسيز ال چلاسيز
چاليشيب اولکهده شنليک يارادان شاد ياشاسين
بیر عۆمور شادليغيلا آغزي دۆلو، داد ياشاسين

اۆمودوم واردی اۆزون عۆمر سورہ بئي له گلین
سيخالار بیر بيرينين صيدق و صفا ايله الين
تاپالار هر ايکي سي، سير حياتيندا، ديلين
بيري شيرين کيمي اولموش، بيري فرهاد ياشاسين
ياشاسين نازلي گلین، گۆل کيمي داماد ياشاسين

آنالارلا آنالار، خان باجيلار، قارداشلار

عمي لرله دايمي لار، چۆخ صفالي يۇلداشلار
يئني يتتميش بۇ جوانلار، قۇجامان آغ باشلار
مطلبي درک ائدن آنلاقلي ار - آرواد ياشاسين
بسلهين اولکه سينه قهرمان اوولاد ياشاسين

آقئيين لر گۆله لر، همده قاين خاتۇنلار

سورمه سين حکم اورکلرده سيزه آلتونلار
چوخدا آلداتمايا، خزدن تيکيلن پالتونلار
هر سوژو بير سوژ ائديب ائتمهين ايراد ياشاسين
دونيادا صولح سئوه رلر، گوروم آزاد ياشاسين

سئوييه قايناتالار، قاينانالار، بالديزلار
عمه لر خالالار، غم يئمه سين يالقيزلار
دولانير - بي - گلينين باشينا آي - اولدوزلار
بو طبيعنده يارانميش گوزل هر زاد ياشاسين
آلاهي ائيلهين هر حالدا آدين ياد، ياشاسين

منده بۇيام

ايستيرم هر زادي ديقتله دويام
تملين بيلمه بين علم ايله قۇيام
دۇلانيب آختاريرام منليگيمي
من كيمم؟ كيمليگيمي ياخشي دويام
بۇيومون باخماسن آلچاق ليغينا
نه قدر فيكريوه گلدكجه، بويام
شانلي اوژ خاقيمين اوٽگ، ديلي يم
اسگي بير اولكه يه آد - سانلي سۇيام
دنيزه باغلي او جۇشقون آرازام
آخيرام، پاسلي اورك وارسا بۇيام
بير چايام خئيرينه خلقين آخيرام
دۇم دۇرو گۆز ياشي تك چايدا سۇيام
مني تانري ياراديب خلقه گۆزه م
بۇخسا خلق اولماميشام كي، گۆز اويام
ايچريمده اوژومون، مرثيه دي
انشيگيمده ولي بۇ خلقه، تۇيام

ائليمي اولكهمي جان تك سنویرم
«يالقیز» ام یاخشی یا پیس منده بۇيام

اي شانه او گيسوي پريشانه دولاشما
اي جان حذر ائت گنتمه او جانانه دولاشما
بيچاره ساغين آتش سوزانه دولاشما
يان دور كي چكر كامه او ثعبانه دولاشما
» اي شانه او گيسوي پريشانه دولاشما
جان رشته سي وار اورد ا چكيل يانه دولاشما»

كويوندا گنديب اولما اسير، عومرونو يورما
حسرتله دوروب باخما اورك قانيني سورما
بي جا يئر هئي بويونو ساغه سولا بورما

«اي زولف سیه دایره خالید دُورما
کافر بالاسی نقطه ایمانه دُولاشما

ای خال خیال عاشیق، سن او جانانه دن ال چک
گئتمه کی دوشرسن توروئا دانه دن ال چک
ائولر بیخان او فیتنه، فئانه دن ال چک
«ایخال، خیال لب جانانه دن ال چک
هندو بچه سرچشمه حئیوانه دُولاشما»

گر حسن جمالیندا دئسم ای مه تابان
ای آفت جان، یوخدو سنه ذره جه نوقصان
اغماض ائله بیر باخ منهده جان سنه قوریان
«ای غنچه نشکفته لعل لب جانان
اینصاف ائله سنده خط رئیحانه دُولاشما»

خال و خطی سر خط وئریب واردیر الیمده
دوشمز خط و خیالین سوزو، داییم بو دلیلمده

آيلار نئجه اوتدو خبريم يۇخدو، ايليمده
«اي خط دئمه وا سر خط آزادي اليمده
باشين كسيلر سيب زرخدانه دۇلاشما»

يۇخ كيمسه ده معيار، اولاً حسنونه حاسيب
سوداي بو عشقينده سنين تك اولاً كاسيب
اي سيب زرخ ايسته يه سن يئتمه سين آسيب
آرام اوتو چون گو خم چوگانه دۇلاشما»

«يالقيز» جان آتيب سنده او جانانه يئتيشدين
او زولف پريشانه اولوب شانہ يئتيشدين
«صراف» كيمي مرغ غزلخانه يئتيشدين
«صراف ائله كيم چاك گريپانه يئتيشدين
ياز قاش ايله گوزدن داخي... تانه دۇلاشما»

محبت اوچاغي

«ميرزه» يازميش بير حديث عشقي وار
باشدا خلقه خيدمت ائتمك مشقي وار
شعر نو يازماقدا ماهير آدلي دير
سۆزلري چۆخ دۆزلودور چۆخ دادلي دير
باغبان شعرينده گۆلشنلر گولور
نرگيز و رعنا و سوسنلر، گولور
شعريده احساسلي كاميل دير بۇ گۆن
يازديغي اشعاره عاميل دير بۇ گۆن
فري شعرينده صداقت آختارير
هم شيرينليك، هم ملاحت آختارير
خوش بياندير، مهرباندير خوش كلام
بامسما آدي واردير خوش مرام
كوفر ائين بيخماقه طوفان ايستهير
طوفانين سبكينده ايمان ايستهير
شور و شوقيله سوزون حيدر دئير

چۇخ گۆزل شعرينده معنا بيلديرر
اقتدارلي دۇستومور عاريف حزين
چۇخ يازار هر سبكيده، عالي، ميتن
حسني دن واردي بير عملي اثر
خرمن جانە سالار غمدن شرر
شعريلرده عيبي شاهد تئز بيلر
عارفانە عيبي سوئلر، تئز گولر
آرش آراميشدي طۇفاندان قاباق
بير اونون ميثلي تاپيلماز تا تاپاق
آختارارسان داغدا - داشدا وار نيشان
سئير ائدر دايم خياللا ارغوان
شاعير خۇش ذۇق دور خسروشالي
سوئلري دوزگون دو آيدين، قايدالي
هند سبكين ايزله بير چۇخدا روان
صائبي ائيلر تداعي كامران
ايلديرم سانكي بۇلودلاردير شاخير
سينه سيندن سئل كيمي سوئلر آخير

چۇخ آخاردىر طبعى جۇشغوندور شفق
 چۇخلاريندان سۆزلىرى آلمىش سبق
 قودرتى وار چۇخ سۆزە يازسىن جناس
 كىمسە اولماز داي نصير ايله قياس
 مرشد عاريف جوان، چۇخ دۇيغولو
 قامتى تىك واردى احساسلى اولو
 توركوكو، فارسى فرشى سۆيلىر خوش غزل
 فارسىجا زىيا بازار، توركوكو گۆزل
 تارىخى تحقيق ائدركن، بىريا
 چۇخ دَرين ديقنلى سردارىنيا
 قهرمانلارن آدين افشا ائدر
 ائللرى كئچمىش لرين اينشا ائدر
 عين حالدا سربازدىر
 پاك اوركله اولكەده جانبازدىر
 وار ايكي درويش بىرى درويش پىر
 يازمىش اول بئش جيلديده آثار خئير
 بىرده بىر درويش وار اوندان جوان

شاعير خۇش ذۇق دور طبعي روان
گامك هر قالبيده اشعارين قۇشار
گاه آخار آرام، گاه سئل تك جۇشار
ببر قۇجا شاعيرده وار اركانيدير
ايشلهين اينساندي غيرت كانيدير
شكري ده شيرين بۇ گون يازماقدادير
سونبول عۆمرو دَنه دۇلماقدادير
شعريده مومن شريفدير راحيمي
عشقي اينسان عشقي، ايمان عاليمي
دۇستوم اولموشلارديلار بۇ گون بۇلار
اولماديقلاريمدا واردير آيري لار
يۇخ بۇلار هئج مينت ، بيزديلر
بۇ زاماندا ساكين تيريزديلر
دئيني مي كاشكي بو بيت ائتسين ادا
اولكهمه، هم ائللره جانيم فدا
كيمسه دن تۇفيقين آلايه كسمه سين
غم يئلي بۇ اولكهميزده اسمه سين

«يالقيز» ين ايماني واردير دوز سوزّه
ايستر ائتسين دوز سوز ايله معجزه
واردي چون دوز سوزده حتماً معجزه
اورتسه لر اوستون چيخار آخير اوزه

محبت اوجاغي

بيرينجي بولوم

فيكيرده يديم بيردن ايلهام اولدو دؤر
بير اوجاق بو محفيل عيرفاندا قور
ياتما شاعير قديوي دؤر ائت علم
ياز صداقتدن، اله دور آل قلم
قويما، فوت اولسون بو فورصت دور يئين
خلقه خيدمت ائتمه يه دور تئز گئين
صيدقيه دؤر باغلا سن همت بئلين
ياز آنا ديلده سوزو بيلسين ائلين

بیر اثر سندن ده قالسین خاطرہ
یاد آپار دۆستلاردان اولسون تذکرہ
دۆستلارین احوالین اوز حالیندا یاز
سعی قیل اوز قول و اقوالیندا یاز
یاز بو گون بو شهریده کیملر یازیر
ریشه سین جهلین قلم ایله قازیر
کیم بو گون آلچاقلارا یالتاقلانیر
قوزانیر کیم یا کی کیم آلچاقلانیر
کیم گئدیر اینسانلیغین دوزگون یولون
بو یولون کیملر گئدیر لر ساغ - سولون
کیم کیمی آلقیشلایر، بو شهریده
کیم باریش میس خلقیله کیم قهریده چوخ چالیش بو مطلب آیدی بلله نه
قویما ویجدانین غرضله دیلله نه
یاز، دوشونجن، آنلاغین قدرینده یاز
سانکی اولموش یاتمیسان قبرینده، یاز
باشلا یاز آلاہ آدیله آدلارین
آدلاریندان دۆستلارین آل دادلارین

محبت اوجاغي

ايکينجي بولوم

وار بُو گون بو شهريده بير انجمن
انجمن اوستاديدير بو پنج تن
عضو شورادير بُو گون بو بئش نفر
صاحب عونانديلار، صاحب نظر
حضرت اوستاد شيدادير بيرى
قدردانليق ائله مک و اردير يئري
عابد شاعيرده اوستاددير متين
ساخلاپار شاعيرلرين چوخ حورمتين
قوجامان سلطانيدا اوستاددير
سعديه اخلاشيدن چوخ شاددير
شاعير و دوكتور پديده ياد اولار

نظمي ده اوستاددير صاحب نظر
توركو شعريندن ولي يوخدور اثر
انجمن تشكيل تاپار هر هفته ده
هفته ده بير گون اودا چرشنبه ده
ملك عرفان و غزله، شهر يار
دوغروداندا شهر ياردير، شهر يار
حاجي موسي دير هريسي ويجه لي
شاعير و اوتاددير خوش لهجه لي
چون پریشان شعريده بير هنگدير
سانكي من سربازهم او سرهنكدير
دوردهن قيمتلي دير هر بير سوزو
صاحب ديواندي چون بارز اوزو
بار الها ائيله رحمت، صابيره
بیر عۆمور دوستاقدان قالميش شاعيره
ايلقاريندا آدينې، ياد ائيله يك
رؤحونو بير حمديله شاد ائيله يك
«حلاج اوغلو بو ائله شانلي اوغول»

سۆز حكيمي، سۆز لري جنلي اۇغول
چون سخا اوستاد شعر و سازدير
دۇيغولو شاعيرلره دمسازدير
جاودانه ائندي ايتگين ويجهه سين
اۇنداكي يازدي محبت نغمه سين
دۇستلارا ايلهام وئرر شعرده مۇغان
اۆلمه سين بير بئيله اينساني دۇغان
قهرماندير دۇغرواندا قهرمان
وار اونون منظومه سينده چۇخلو جان
شن باھاردير شانلي باغ توركو ديلي
گول بۇداغيندا هريسلي بۇلبولي
داشقين اينسانليق باغيندا خۇش ياشير
جۇشقون عشقي دالغالانماقدان داشير
وار سليمان ثالث اۇغلو بو ائلين
بۇ ائلين دوزگون يازار آديدن ديلين
پاكبازين چۇخ درين احساسي وار
شعري تك ده سئومه لي سيماسي وار

افتخاري شاعير دين داردير
مهربان اينساندي خوش رفتاردير
نچار اوغلو ميلتین دردين يازير
غير مبهم حالدا چوخ آيدين يازير
محفله رونق وئرن شېگيردير
حق يولوندا ضد هر تزويردير
کوي عرفاندا بو گون، شب خيزده
شوهرتي مشهوردور، تبريزده
سمبل صدق و صداقتير صديق
سوزلري قيمتليدير مثل عقيق
قائمي شاعيردي، خوش ذوق و متين
خوش سلوکي آرتيريدير حورمتين
شعريده مضمون يارالدا ندير شکيب
چوخ مودبدير، موقردير، نجيب
چوخ يازار نافذده تضمين حافظه
واردير اوندا ياخشې ذوق و حافظه
شعريني هجران يازار حماسه لي

ائللر عشقیله دیلی تلواسه‌لی

بیتداشیق مجنون

گۆرمه‌یه اۆلده یاری، الدهه بیر زاد ایسته‌بیر
بذل جان چۆخ ایسته‌میر، یار ارز آزاد ایسته‌بیر
اشتهاسین یاریمین گۆسترمه یارب کیمسه‌یه
مئیلینین یوخ وقتي، اوزنک کونلو هر زاد ایسته‌بیر
آزجاجیق، ناز ائتمه‌یه، نازلی نیگاریم، نازینا
هر نه واردیر مال دونه، کل مازاد ایسته‌بیر
ائل گۆلونده بیر ناهار میل ائتمه‌یه او خوش خوره‌ک
بیر ینکه هشترخان ایله قاز پریزاد ایسته‌بیر
شیرین ایستیر قازدیرا فرهاده عشقین آرخینی
قازماغا دونه‌دا بویوندا قازما، فرهاد ایسته‌بیر
بیر ایتی کسکین کولونگ ایستر گتیرسین آرخا سو

بستان اکديرسين اوركده، عشقين آباد ايسته يير
ايسته مير معشوقونون باشيندا، قوش سالسين يۇوا
پيتلاشيق مجنونو يۇخ، چۇخ شاخ شمشاد ايسته يير
غنچه لنديرسين دۇداقلارين، يئله وئرسين تتلين
گزديره داغلاردا يايذا، تير، مرداد ايسته يير.

گتسم، گلهمرم

ابرو، اؤد، سؤ، اولدولار يولداش
هر بير ي بيرا يانا سفر ائتسين
دولانيب هر نه كي گوروب، قايديب
گلمه يين بيلديريب خبر ائتسين

اؤد دئدي: اۇنداكي هاوا سويويار
داغلار قار دوشن زامان گلرم

اۇلسا ھەر وقت آلىو پىلوۋدان يئي

يادلارا يار دوشن زامان گلرم

سۇ دئدي: من دە دوز يايين آراسي

قوشولوب ميوه يه دولوب گلرم

قاريشيب قارپيزا، قوهون، اوزومه

بال كيمي شيپ - شيرين اولوب گلرم

آبرو سويله ييب كي گنتسم من

قايديب گلرم داھا بويانا

بۇدور لاپ ياخشي سي يئريمدين من

دزه ترينمه ييم بويان اويانا

دادا گنتسه

«ياور» دئمه رم «گامكه» بۇينوم دارا گنتسه

اۆز حقيمي اوندان دوتوب آلام هارا گنتسه

حق آلماليدير بيل اؤنو وئرمزله سن اللش

آل حقيني بو يولدا باشيندا دارا گنتسه

ال چكمه رم آنجاق يخه سيندن اؤنو، بيلسين

قورتولسا اليمدن، او قاچيب آوارا گنتسه

چون روزي اولوب، محتكرين چنگينه دوشسه،

دوز مامور اولوب، كشف ائده رم انبارا گنتسه

چيخميش آدي، سرباز كيمي، غائبيدي فراري

ساللام گيره دوولت ساياقي، هر هارا گنتسه

مشهوردي توتار دووشاني، دوولت آرا بئيله (آرaba)

گیزلنمك اوجون داغ داشا قاجسا غارا گندسه

منده اونو ميظباقدا، پيشيك تك، گيره ساللام
اولموشسا سيچان، لاپ سۇخولوب تالوارا گنتسه

شاعيرليگي، ايستركي اولا، هامميا، محرز
فيكر ائيله مه سين جيب دولوسو پول پارا گنتسه؟

اگلنجه قوربدور، وئره شاعيرلره، بير سور
اوندان سورا آزاددي، چيخيب دار دارا گنتسه

بو نحويله مومكوندو كي، «گامك» اولا، «ياور»
بو آد قالا دونياده، اوزوندن سورا گنتسه

يۇخسا اونو بيلسين كي دوشوب بئنينه «يالقيز»
ال چكميه جكدير، او قاجيب بولغارا گنتسه

دۇلارا، ماركا، سئوالات ساتيرام
آي الان، پست و مقامات ساتيرام
چۇخ اۇجوز ملك و ولايات ساتيرام
دۇلارا، ماركا، سئوالات ساتيرام
پۇللويا رمزي علامات ساتيرام
اونيوسينه ده راحت ساتيرام

كىمسه نين واردي مۇبايلي، ايمئيلي
اۇنلارين واردي بيلير رمز ديلي
هم ديلي وار اۇلارين همده پولي (پولو)
اۇنلارا گيزلي سئوالات ساتيرام
آي آلان پست و مقامات ساتيرام

پوللييا، وارلييا هر ياندا بۇ گون
آزادام ساتماغا هر زاددا بۇ گون
ساتيرام شيرين و فرهاددا بۇ گون

آي آلان پست و مقامات ساتيرام
گيزليجه خلقه سئوالات ساتيرام

هر جوړه مدرک آلان وارسا دئسين
پشت کنکوردا قالان وارسا دئسين
بو خبردن به خبر وارسا دئسين
آي آلان پست و مقامات ساتيرام
گيزليجه خلقه سئوالات ساتيرام

اؤلارين كي پولو واردير گيريشه
پولسوز هر زاددا گرکدير، سوروشه
پست آختارمايا، گئتسين بير ايشه
ائيليرم خلقه عنايت ساتيرام
ائتميشم ايشده جسارت ساتيرام

پولسوزا سئوديگي يئر گئتمک حرام
پولوسوزا سئوديگي ائو تیکمک حرام

پولسوزا حتي نفس چككم حرام
پولسوزا حتي نفس چككم حرام
قورتولوش چاره، هلاكت ساتيرام

ميليون ياريم اضافه قيز!
ميليون ياريم اضافه قيز واريميز
لطف ائيله ييب بيزه اونو تاريميز
آما بيلسه ائوده بيزيم قاريميز
مني قويماز ائودن چيخام ائشيگه
آستانادا قويمار مني كئشيگه

يازديم بونو شوخلوق ايله گوله سيز
اورگيمده بو درديمي بيله سيز

ايش گنچمه مېش ايشدن عقله گله سيز

بو مۇشگوله، آنالارلا، آنالار

فيكرلسيب چاره يولو تاپالار

اوغان نعمت، قيزا دئير: حسنه

دئمه آلاھ خلق ائله ييب بيزه نه؟

اضافه ني وئره لر، نه وئره نه!

ائولنمگي ساده دوتساز اره، نه

غئيره تلي بير اوغان اولسون آره نه

چيخدي قوز اوستدن قوزوموز

ساقى بير جام سو گتير سنله آچيقدير اوزوموز

سنده قويما يئره دوشسون آغيز آچديق سوزوموز

درد آليب اۇنباسي اوستونده ائله چيرپدي، يئره

لاپ او يونگول وارييسي، دييدن اولوب اون بوزوموز

گۆپسەيب غم يئره از بس باسيب آلتيندا، دۆيۈب
كۆپوشوب اوز گۆزوموز، هئچ يئري گۆرمور گۆزوموز
سالدي قيمتدن آي اۇغلان ائله دۆوران بيزي كي
دگمه يير بير دۇلارا دۇنيادا، دۆرد بئش يوزوموز
گنجه جكده پوزوموز عالي، جيب اولسايديدا بۇش
ايندي هم جيلريميز بۇشدو همي يۇخ پوزوموز
بير مثل وار ائل آراسيندا دئيرلر بو سۆزو
قۇزوموز چۇخ آزىدير، چيخدي قۇز اوستدن قۇزوموز
دۇنداريبيلار ائله يخچال جهالتده، بيزي
نه قدر واردي بو استعمار آچيلماز بۇزوموز
نه قدر اسمه ده دير دۇنيادا جهلين طۇفاني
اوستوموزدن هله گئتمز بو ظلالت تۇزوموز
آيري هر دۆوره ده آزاد دۇلانيب چكدي كئفين
قالدي تاريخ بۇيو دۇستاقلار ايچينده دۇزوموز
بيزي دوز سۆزلوغوموزدان يئمك اولموردو او گون
اينديده شورلوغوموزدانكي چۇخ اولموش دۇزوموز
سسسي باتميش خوروزوم بانلاماير، بانلاماسين

گنجه، گنتمكده دي چون يولدا گلير گوندوزوموز
بیز گرك اوزگه لري چوخدا جانيم، دانلاماياق
باشلارا كول الهديك، اوز اليميزله، اوزوموز
گنتمه آي ساقاي، دايان سنده بيزي ترك ائلهمه
اوبره نيدير سنه آنجاق كي يامان اوز، گوزوموز
ساقليق ائيلهمه آي ساقاي گنديب، اوزگه لره
اوز باغيزدا گوزه ليم هر جوهره واردير اوزوموز
اولسا دوستلوق آراسيندا يئكه بير مسئاهمير
اونو قارداش وار حل ائيله يهرك اوز بوزوموز
شوكر اوللا آلاها كي هئچ زاديميز، اولماسادا
قاماشان بير گوزوموز وار، اوتانان بير اوزوموز
سنده ساقاي بئله گل باشلاما بو «يالقيز» ايله
قويماياق گل آراميزدان چيخا بلكه سوزوموز